

**TEKSTUALNI DIO GODIŠNJEG IZVJEŠTAJA O IZVRŠENJU
BUDŽETA USTAVNOG SUDA BOSNE I HERCEGOVINE
ZA PERIOD OD 1. JANUARA DO 31. DECEMBRA 2022. GODINE**

Analiza izvršenja budžeta

Prijedlog budžeta Ustavnog suda Bosne i Hercegovine (u daljnjem tekstu: Ustavni sud) za 2022. godinu iznosio je **7.671.000 KM** na bazi **106** izvršilaca. Zakon o budžetu institucija Bosne i Hercegovine i međunarodnih obaveza Bosne i Hercegovine (u daljnjem tekstu: Zakon o budžetu) za 2022. godinu usvojen je 30. juna 2022. godine i Ustavnom sudu su odobrena sredstva u iznosu od **6.932.000 KM** na bazi **98** izvršilaca.

U skladu s Odlukom Vijeća ministara BiH broj 185/22 od 30. decembra 2022. godine, Ustavnom sudu su odobrena sredstva iz tekuće rezerve za isplatu jednokratne novčane pomoći zaposlenim u institucijama Bosne i Hercegovine, odnosno zaposlenim u Sekretarijatu Ustavnog suda u iznosu od **45.500 KM**.

Korigirana budžetska sredstva za 2022. godinu iznose **6.977.500 KM** na bazi **98 izvršilaca** i uključuju navedena sredstva tekuće rezerve i odnose se na:

- tekuće izdatke	6.869.000 KM
- tekuće izdatke (rezerva – jednokratna pomoć)	45.500 KM
- kapitalne izdatke	63.000 KM

Zakon o budžetu za 2022. godinu usvojen je tek 30. juna 2022. godine, tako da je Ustavni sud u prvom polugodištu 2022. godine poslovao u skladu s odlukama Vijeća ministara BiH o privremenom finansiranju institucija BiH i međunarodnih obaveza BiH broj 171/21 od 30. decembra 2021. godine i broj 6/22 od 18. marta 2022. godine, a u skladu s Operativnim planom Ustavnog suda za period od januara do marta i od aprila do juna 2022. godine i revidiranim Operativnim planom za period od aprila do juna 2022. godine u skladu s Odlukom o prestrukturiranju broj 05-16-2-3481-2/22 od 12. maja 2022. godine.

U prvoj polovini 2022. godine Ustavni sud je poslovao u okviru iznosa odobrenog za tekuće izdatke od **2.929.500 KM**, što predstavlja 1/2 sredstava koja su mu odobrena u Zakonu o budžetu za **2020. godinu**, umanjena za vrijednost kapitalnih izdataka.

U takvim uvjetima rada, a s ciljem osiguranja neometanog i efikasnog funkcioniranja Ustavnog suda, pristupalo se krajnje restriktivnom planiranju i trošenju raspoloživih sredstava, polazeći od prioritetnih obaveza koje proizlaze iz Plana rada Ustavnog suda za 2022. godinu i Srednjoročnog plana rada Ustavnog suda za period od 2022. do 2024. godine.

U prvoj polovini 2022. godine Ustavni sud je bio primoran osigurati sredstva za zakup ključne systemske opreme, te je u maju 2022. godine izvršeno prestrukturiranje rashoda, odnosno uštede na ekonomskim kategorijama putnih troškova, telefonskih i poštanskih usluga i ugovorenih usluga su preusmjerene na kategoriju zakupa opreme.

Po usvajanju Zakona o budžetu za 2022. godinu, tj. u oktobru 2022. godine, Ustavni sud je Ministarstvu finansija i trezora BiH podnio zahtjev za prestrukturiranje rashoda, koji je Ministarstvo odobrilo Odlukom broj 05-16-2-6737-4/22 od 24. oktobra 2022. godine. Uštede, nastale na kategoriji bruto plaća i naknada i telefonskih i poštanskih usluga, Sud je prestrukturiranjem rashoda preusmjerio na kategoriju izdataka za tekuće održavanje s ciljem preduzimanja aktivnosti poboljšanja i osiguranja adekvatnih smještajnih, sigurnosnih, tehnoloških i drugih uvjeta rada neophodnih za njegovo funkcioniranje, te na kategoriju putnih troškova u svrhu realizacije studijske posjete Ustavnom sudu Republike Hrvatske. Aktivnosti unapređenja uvjeta rada su realizirane u novembru i decembru 2022. godine, a odnose se na ugradnju pregradnih panela u prostorijama aneksa Ustavnog suda, popravak liftovskog postrojenja, popravke i farbanje dotrajale stolarije, krećenje prostorija koje koristi Ustavni sud, te adaptaciju bifea i sanaciju mrežnih instalacija.

Odlukom o prestrukturiranju izvršeno je umanjeње budžetskih stavki 611100 Bruto plaće i naknade za 180.000 KM i 613200 Poštanske usluge za 10.000 KM, te uvećanje budžetskih stavki 613100 Putni troškovi za 35.000 KM, 613500 Izdaci za usluge prevoza i goriva za 10.000 KM i 613700 Izdaci za tekuće održavanje za 145.000 KM.

Izvršenje budžeta za period od 1. januara do 31. decembra 2022. godine ostvareno je u iznosu **6.736.087 KM**, odnosno **97%** od ukupno korigiranih budžetskih sredstava. Izvršenje se odnosi na tekuće izdatke u iznosu od **6.673.203 KM**, odnosno **97%** od ukupno korigiranih sredstava za tekuće izdatke, dok su kapitalni izdaci realizirani u iznosu od **62.884 KM**, odnosno **100%** od korigiranih sredstava za kapitalne izdatke.

Tekući izdaci

1. **Bruto plaće i naknade iznose 5.569.247 KM** i ostvarene su **99%** u odnosu na korigirana budžetska sredstva. Ukupan broj zaposlenih (stanje sa 31. decembrom 2022. godine) iznosi **95** izvršilaca.

Uštede nastale u okviru plaća i naknada zaposlenih odnose se na fluktuaciju zaposlenih u 2022. godini i dinamiku popunjavanja upražnjenih radnih mjesta. Između ostalog, odlaskom predsjednika Suda u starosnu penziju u augustu 2022. godine, kao i potpredsjednika u novembru 2022. godine, radna mjesta sudija su ostala nepopunjena.

Od 1. jula 2022. godine, usvajanjem Zakona o budžetu institucija Bosne i Hercegovine i međunarodnih obaveza Bosne i Hercegovine za 2022. godinu, u primjeni su novi interni akti Ustavnog suda na osnovu kojih se isplaćuju plaće i naknade troškova sudija Ustavnog suda, kao i zaposlenih u Sekretarijatu Ustavnog suda (Odluka o plaćama i naknadama sudija Ustavnog suda BiH broj SU-03-413/22 od 11. maja 2022. godine s izmjenom broj SU-03-413-1/22 od 10. augusta 2022. godine i Odluka o plaćama i naknadama zaposlenih u Sekretarijatu Ustavnog suda BiH broj SU-03-591/22 od 22. juna 2022. godine s izmjenom broj SU-03-591-1/22 od 10. augusta 2022. godine).

Primjena navedenih akata Suda utjecala je na veći indeks izvršenja na ovoj budžetskoj stavci u 2022. godini u odnosu na njeno izvršenje u 2021. godini.

2. **Naknade troškova zaposlenih iznose 480.314 KM** i ostvarene su **97%** u odnosu na korigirana budžetska sredstva. Pored redovnih izdataka za naknade troškova zaposlenih koji se odnose na troškove toplog obroka tokom rada, prevoza do posla i odvojenog života, na osnovu akata Suda isplaćene su i (1) jedna jednokratna pomoć po osnovu smrti zaposlenika u januaru 2022. godine, (2) dvije jednokratne pomoći po osnovu teške bolesti bliskog srodnika zaposlenika u aprilu i septembru 2022. godine, te (4) četiri jednokratne pomoći po osnovu smrti bliskog srodnika zaposlenika u aprilu, septembru, oktobru i decembru 2022. godine. Također, isplaćene su i (3) tri otpremnine zbog odlaska u penziju, i to (2) dvije otpremnine u augustu 2022. godine i (1) jedna otpremnina u novembru 2022. godine u skladu s aktima Suda. U junu 2022. godine isplaćen je regres za godišnji odmor u skladu s aktima Suda. U decembru 2022. godine, u skladu s Odlukom Vijeća ministara BiH, isplaćena je jednokratna novčana pomoć zaposlenima u Sekretarijatu Ustavnog suda u ukupnom iznosu od 45.500 KM za 91 zaposlenog.
3. **Putni troškovi iznose 77.350 KM** i ostvareni su **74%** u odnosu na korigirana budžetska sredstva. Izvršenje se odnosi na izdatke za osiguranje prisustva međunarodnih sudija na pet plenarnih sjednica Ustavnog suda BiH (mart, maj, juli, septembar i decembar 2022. godine),

tj. troškove njihovih dnevnica, avionskih karata i smještaja u Sarajevu. Također, izdaci obuhvaćaju i troškove putovanja člana Evropske komisije za demokratiju putem prava (Venecijanska komisija) ispred Bosne i Hercegovine na sjednice Komisije u martu, junu i decembru 2022. godine. U okviru ove budžetske stavke uključeni su i izdaci koji se odnose na troškove studijske posjete zaposlenih u Sekretarijatu Ustavnog suda BiH Ustavnom sudu Republike Hrvatske u novembru 2022. godine, koja je realizirana u skladu s Odlukom broj SU-02-1161/22 od 3. novembra 2022. godine.

Također, obuhvaćeni su i izdaci redovnih mjesečnih službenih putovanja sudija od mjesta rada do mjesta stanovanja/prebivališta i nazad, a odnose se na dnevnice vozača službenih vozila.

Plenarna sjednica Ustavnog suda planirana za januar 2022. godine održana je elektronskim putem, tako da tada nije bilo troškova avionskih karata, smještaja i dnevnica međunarodnih sudija. U ovom izvještajnom periodu otkazana su neka putovanja predviđena Planom putovanja za 2022. godinu. U okviru međunarodne saradnje Suda, organizator je snosio troškove avionskih karata, smještaja i ishrane delegacije Ustavnog suda BiH u Ankari, Turska, na ceremoniji obilježavanja 60. godišnjice Ustavnog suda Republike Turske u aprilu 2022. godine. Također, organizator je snosio troškove smještaja i ishrane za putovanje predsjednice i registrara Ustavnog suda BiH u Tirani, Albanija, na ceremoniji obilježavanja 30. godišnjice Ustavnog suda Albanije u novembru 2022. godine. Stručni seminar za osoblje Ureda registrara, organiziran u novembru 2022. godine u saradnji s AIRE centrom, održan je u Sarajevu, a ne na lokaciji van sjedišta Suda kako je prvobitno bilo planirano.

Sve navedeno je utjecalo na niži indeks izvršenja na kategoriji putnih troškova u odnosu na korigirana budžetska sredstva za 2022. godinu. Također, došlo je do odstupanja u odnosu na izvršenje na ovoj budžetskoj stavci za 2021. godinu, kada je većina putovanja u okviru međunarodne saradnje Suda bila otkazana uslijed pandemije.

4. **Izdaci za telefonske i poštanske usluge** iznose **65.273 KM** i ostvareni su **70%** u odnosu na korigirana budžetska sredstva, uz maksimalnu racionalizaciju korištenja telefonskih i poštanskih usluga i mjere štednje. Također, u toku 2022. godine nije vršena distribucija publikacija Suda, što je znatno utjecalo na visinu izdataka poštanskih usluga.
5. **Troškovi nabavke materijala** iznose **25.505 KM** i ostvareni su **98%** od odobrenih budžetskih sredstava, a odnose se na nabavku papira, koverti, omota spisa, tonera, stručnih

knjiga i literature za potrebe biblioteke, uredskog materijala, te sitnog inventara. Također, izvršena je nabavka automobilskih guma, i to zimskih guma za jedno službeno vozilo te ljetnih guma za dva službena vozila.

Veći indeks izvršenja na ovoj budžetskoj stavci u 2022. godini u odnosu na njeno izvršenje u 2021. godini je rezultat specifičnih uvjeta rada u 2021. godini (rad od kuće putem pristupa SUP-u, nastao pojavom pandemije, koji je utjecao na manju potrošnju papira i tonera za štampanje u 2021. godini).

6. **Izdaci za usluge prevoza i goriva iznose 21.669 KM**, što je **62%** od korigiranih budžetskih sredstava. Izdaci se odnose na nabavku goriva i motornog ulja za tri službena vozila Ustavnog suda BiH i troškove registracije vozila. Uslijed smanjenog broja službenih putovanja, ostvarenih povoljnijih cijena registracije vozila, te odlaska u penziju predsjednika Suda koji je imao pravo na prevoz službenim automobilom od mjesta rada do mjesta stanovanja/prebivališta i nazad u augustu 2022. godine, i pored stalnog rasta cijene goriva na tržištu u 2022. godini, ostvarena je manja potrošnja goriva i došlo je do odstupanja stvarnih od planiranih troškova.

Indeks izvršenja usluga u 2022. godini je veći u odnosu na njihovo izvršenje u 2021. godini, što je rezultat otkazivanja većeg broja službenih putovanja predviđenih Planom putovanja za 2021. godinu, održavanja sjednica Suda *on-line* i organizacije rada od kuće.

7. **Troškovi unajmljivanja imovine i opreme iznose 25.811 KM** i ostvareni su **72%** u odnosu na odobrena sredstva, a odnose se na najam kompjuterske opreme i telefonske centrale. Budžetska sredstva za zakup opreme odobrena su za cijelu 2022. godinu, a izvršenje troškova počinje od juna 2022. godine, što je rezultiralo i nižim indeksom izvršenja.

8. **Izdaci za tekuće održavanje iznose 160.547 KM** i ostvareni su **82%** od korigiranih budžetskih sredstava.

Pored redovnih mjesečnih troškova koji se odnose na redovno mjesečno održavanja lifta, redovno mjesečno održavanje opreme i pranje službenih vozila, u okviru ove budžetske stavke ostvareni su i sljedeći izdaci:

- Adaptacija prostorija Ustavnog suda, koja obuhvaća krećenje prostorija, farbanje unutrašnje stolarije, adaptaciju bifea, te zamjenu podnih mrežnih instalacija i popravak parketa u salama za sjednice Suda. Nemogućnost Službe za zajedničke poslove

institucija BiH da vrši poslove održavanja prostorija dovela je do toga da je Sud morao osigurati dodatna sredstva za obavljanje navedenih poslova.

- Ugradnja pregradnih panela u prostorijama aneksa Ustavnog suda, kako je bilo predviđeno u okviru druge faze projekta „Projekt interijera i adaptacije prostora aneksa Ustavnog suda Bosne i Hercegovine“, kako bi se aneks konačno doveo u funkcionalno stanje.
- Popravak liftovskog postrojenja koje nije bilo u funkciji od maja 2022. godine, te obavljanje godišnjeg tehničkog pregleda lifta.
- Nabavka programskih paketa za održavanje softvera za printer, nabavka i ugradnja diska za server, ugradnja SSD diskova, kao i nabavka potrepština za održavanje kompjuterske opreme i printera.
- Obavljena su četiri redovna i tri vanredna servisa službenih vozila Suda, kao i nabavka potrepština za održavanje službenih vozila Suda.
- Izvršena je zamjena dotrajalih itisona u pojedinim prostorijama Suda.

Provedene e-aukcije u okviru procedura javnih nabavki uvjetovale su povoljnije cijene ovih usluga, što je rezultiralo i nižim stvarnim troškovima u okviru tekućeg održavanja. Ugovor za restauraciju namještaja u salama za sjednice Ustavnog suda je raskinut uslijed nemogućnosti dobavljača da kvalitetno i u roku izvrši uslugu, što je utjecalo na niži indeks izvršenja na ovoj budžetskoj stavci.

9. Izdaci za osiguranje i troškovi platnog prometa iznose 5.621 KM i ostvareni su **56%** od odobrenih budžetskih sredstava. Izdaci se odnose na redovno mjesečno osiguranje imovine, osiguranje tri službena vozila Ustavnog suda BiH i bankarske usluge. Povoljne cijene usluga osiguranja imovine i osiguranja službenih vozila postignute u postupku javne nabavke razlog su nižeg indeksa izvršenja na ovoj budžetskoj stavci.

10. Ugovorene i druge posebne usluge iznose 241.864 KM i ostvarene su **89%** od odobrenih budžetskih sredstava. U okviru ove ekonomske kategorije izdaci se odnose, prije svega, na naknade za rad troje međunarodnih sudija Ustavnog suda BiH. Također, obuhvaćeni su i izdaci za uvezivanje službenih glasnika, usluge objavljivanja oglasa, redovne pretplate na neophodne časopise i druge publikacije, stručnu i dnevnu štampu, a sve s ciljem održavanja nužnog i kontinuiranog educiranja i informiranja sudija i zaposlenih. Izdaci obuhvaćaju i troškove sale za održavanje seminara za osoblje Ureda registrara koji je održan u novembru 2022. godine u Sarajevu, kao i troškove smještaja predavača na seminaru.

Pored navedenog, realizirana je jedna isplata po osnovu ugovora o djelu u decembru 2022. godine, i to za izradu Projekta adaptacije zapadnog aneksa u okviru službenih prostorija Suda. U okviru ove budžetske stavke uključeni su i redovni troškovi reprezentacije, uz maksimalno racionalno korištenje sredstava za tu namjenu.

Kapitalni izdaci

Kapitalni izdaci su ostvareni u iznosu od **62.884 KM**, što predstavlja **100%** korigiranih budžetskih sredstava.

Zakonom o budžetu za 2022. godinu Ustavnom sudu su odobrena sredstva u iznosu od 63.000 KM na ime kapitalnih izdataka. Aktom broj 05-16-2-4968-2/22 od 4. augusta 2022. godine Ministarstvo finansija i trezora Bosne i Hercegovine dalo je saglasnost na namjensku strukturu kapitalnih izdataka Ustavnog suda za 2022. godinu.

Uslijed porasta cijene skenera – elektronske opreme (821341) na tržištu, Ustavni sud nije bio u mogućnosti realizirati nabavku skenera u okviru odobrenih sredstava za ovu namjenu, a u skladu s odobrenom namjenskom strukturom. Istovremeno, nakon provedenih procedura javnih nabavki i zaključenja ugovora s dobavljačem po povoljnim tržišnim cijenama ostvarena je ušteda na nabavci namještaja (821311).

Stoga se Sud u novembru 2022. godine obratio Ministarstvu sa zahtjevom za izmjenu namjenske strukture kapitalnih izdataka za 2022. godinu. Aktom broj 05-16-2-4968-4/22 od 28. novembra 2022. godine Ministarstvo je dalo saglasnost na izmjenu namjenske strukture kapitalnih izdataka Ustavnog suda BiH za 2022. godinu.

Kapitalni izdaci su realizirani u skladu s izmijenjenom namjenskom strukturom, pri čemu je nabavljena sljedeća oprema:

- **uredski namještaj (kuhinja),**
- **kompjuterska oprema (10 kompjutera s monitorom i 10 prenosnih kompjutera),**
- **oprema za prenos podataka i glasa (1 zvučnik),**
- **elektronska oprema (2 skenera),**
- **ugrađena oprema (1 klima uređaj s kontrolerom).**

Nabavka elektronske opreme, tj. 2 skenera ostvarena je u iznosu od **3.976 KM** na osnovu ugovora s dobavljačem koji je zaključen u decembru 2022. godine, a realizirana je u 2023. godini u skladu s Uputstvom broj 08-16-1-8801-1/15 od 26. oktobra 2015. godine.

U januaru 2022. godine Ustavni sud BiH je primio naturalnu donaciju – poklon AIRE centra u vidu servera vrijednosti **18.524 KM**, koja je uključena u vrijednost stalnih sredstava (011312 Kompjuterska oprema).

U 2016. godini Ustavni sud Bosne i Hercegovine je donio Pravilnik o korištenju mobilnih i službenih fiksnih telefona u Ustavnom sudu BiH broj P-739/16 od 22. decembra 2016. godine s izmjenom i dopunom P-739/16-I od 13. aprila 2022. godine, Pravilnik o reprezentaciji i poklonima u Ustavnom sudu BiH broj P-741/16 od 22. decembra 2016. godine s izmjenama broj P-741/18-1 od 21. augusta 2018. godine i Pravilnik o službenim vozilima Ustavnog suda BiH broj P-262/16 od 6. juna 2016. godine s izmjenom broj P-262/16-I od 19. februara 2020. godine i broj P-262/16-II od 13. aprila 2022. godine.

Stupanjem na snagu pravilnikâ Vijeća ministara – Pravilnika o izmjenama i dopuni Pravilnika o uvjetima nabavke i načinu korištenja službenih vozila u institucijama Bosne i Hercegovine broj 177/17, Pravilnika o izmjeni i dopuni Pravilnika o korištenju telefona broj 176/17 od 6. jula 2017. godine i Pravilnika o izmjenama i dopuni Pravilnika o korištenju sredstava za reprezentaciju broj 178/17 od 6. jula 2017. godine, **Ustavni sud BiH je izuzet iz primjene navedenih pravilnika Vijeća ministara BiH i u primjeni su pravilnici Ustavnog suda BiH doneseni u 2016. godini s navedenim izmjenama.**

Rashod stalnih sredstava

Nakon obavljenog redovnog godišnjeg popisa imovine, potraživanja i obaveza u Ustavnom sudu za godinu koja završava na dan 31. decembar 2022. godine, na prijedlog Centralne popisne komisije da se rashoduju neupotrebljiva i tehnički neispravna sredstva, a u skladu sa članom 46. Pravilnika o računovodstvu s računovodstvenim politikama i procedurama za korisnike budžeta institucija BiH, predložena stalna sredstva za rashod su evidentirana na kontu sredstava van upotrebe (011730) od 1. januara 2023. godine.

Rashod predloženog sitnog inventara i autoguma izvršen na kraju 2022. godine imao je vrijednost 0,00 KM.

Odluka o rashodu stalnih sredstava i sitnog inventara za 2022. godinu donesena je 21. februara 2023. godine i na osnovu nje će se organizirati fizičko iznošenje stalnih sredstava i

sitnog inventara predloženih za rashod van prostorija Ustavnog suda i sredstva će zatim biti isknjižena iz poslovnih knjiga u 2023. godini.

Napominjemo da su nakon usvajanja Odluke o rashodu stalnih sredstava i sitnog inventara broj SU-07-1019-3/21 od 23. februara 2022. godine rashodovana stalna sredstva i sitan inventar za 2021. godinu fizički izneseni iz prostorija Ustavnog suda i zatim isknjiženi iz poslovnih knjiga u maju 2022. godine.

Analiza dinamike zapošljavanja

Zakonom o budžetu institucija BiH i međunarodnih obaveza BiH za 2022. godinu odobreni broj izvršilaca za Ustavni sud je bio 98. **Prosječan broj zaposlenih u periodu od 1. januara do 31. decembra 2022. godine iznosi 95 izvršilaca.**

Odlukom predsjednika Ustavnog suda broj SU-06-11-5/21 od 30. decembra 2021. godine zaposlenoj na poziciji stručnog saradnika u Uredu registrara odobreno je odsustvo sa rada bez naknade plaće (neplaćeno odsustvo) do 1 (jedne) godine, počev od 12. januara 2022. godine (radno mjesto nepopunjeno). Također, Odlukom predsjednika Ustavnog suda BiH broj SU-06-363-1/22 od 26. aprila 2022. godine odobreno je odsustvo sa rada bez naknade plaće (neplaćeno odsustvo) do 1 (jedne) godine zaposlenoj na poziciji stručnog saradnika za pravne, personalne i opće poslove, počev od 1. juna 2022. godine (radno mjesto je popunjeno u julu 2022. godine raspisivanjem javnog oglasa, na određeno vrijeme).

Radno mjesto višeg pravnog savjetnika upražnjeno u januaru 2022. godine smrću zaposlenika je popunjeno u aprilu 2022. godine internim premještajem pravnog savjetnika, odnosno upražnjena radna mjesta pravnog savjetnika, te zatim višeg stručnog saradnika također su popunjena internim premještajem. Radno mjesto stručnog saradnika u Uredu registra, koje je na taj način ostalo upražnjeno, popunjeno je putem javnog oglašavanja u junu 2022. godine.

Osim toga, dva zaposlena na poziciji stručnog saradnika u Uredu registrara sporazumno su prekinula radni odnos u martu, odnosno u maju 2022. godine. Navedene pozicije su također popunjene raspisivanjem javnog oglasa na neodređeno vrijeme.

Dodatno, odlaskom predsjednika Suda u starosnu penziju u augustu 2022. godine, kao i odlaskom potpredsjednika u starosnu penziju, ostala su upražnjena dva radna mjesta sudija koja još uvijek nisu popunjena.

Stanje zaposlenosti sa 31. decembrom 2022. godine iznosi **95** izvršilaca.

Obrazloženje pozicija Bilansa stanja

U Bilansu stanja na dan 31. decembar 2022. godine iskazani su sljedeći podaci po bilansnim pozicijama, i to:

I AKTIVA **261.111 KM**

A. Gotovina, kratkoročna potraživanja, razgraničenja i zalihe **62.502 KM**

Kratkoročna potraživanja za:

- Refundacija bolovanja FBiH – novembar 2020. razlika	1.206 KM
- Refundacija bolovanja FBiH – decembar 2020. razlika	1.388 KM
- Refundacija bolovanja FBiH – mart 2021. razlika	486 KM
- Refundacija bolovanja FBiH – april 2021. razlika	120 KM
- Refundacija bolovanja FBiH – oktobar 2021. razlika	312 KM
- Refundacija bolovanja FBiH – decembar 2021. razlika	277 KM
- Refundacija bolovanja FBiH – januar 2022. razlika	632 KM
- Refundacija bolovanja FBiH – april 2022. razlika	171 KM
- Refundacija bolovanja FBiH – maj 2022. razlika	335 KM
- Refundacija bolovanja FBiH – juni 2022. razlika	333 KM
- Refundacija bolovanja FBiH – novembar 2022.	999 KM
- Refundacija bolovanja FBiH – decembar 2022.	2.950 KM
Potraživanja za preplaćene poreze i doprinose, topli obrok,	
- Kujundžić – juli 2020.	89 KM
Refundacija bolovanja FBiH 2014. razlika, maj–decembar, osim	
- septembra (sporna potr.)	8.329 KM
Refundacija bolovanja FBiH 2015. razlika, januar–decembar, osim	
- septembra (sporna potr.)	14.158 KM
- Refundacija bolovanja FBiH 2016. razlika, decembar (sporna potr.)	1.193 KM
Refundacija bolovanja FBiH 2017. razlika, januar, mart–april,	
- septembar–decembar (sporna potr.)	14.766 KM
- Refundacija bolovanja FBiH 2018. razlika, januar (sporna potr.)	1.531 KM
Refundacija bolovanja FBiH 2019. razlika februar–oktobar (sporna	
- potr.)	13.076 KM
- Prekoračenja troškova fiksnih telefona – novembar 2022.	2 KM
- Prekoračenja troškova mobilnih telefona – novembar 2022.	5 KM

- Prekoračenja troškova mobilnih telefona – decembar 2022.	1 KM
- Odbici za telefonske aparate – novembar 2022.	71 KM
- Odbici za telefonske aparate – decembar 2022.	71 KM
Ukupna potraživanja	62.502 KM

B. Stalna sredstva **198.609 KM**

Nabavna vrijednost stalnih sredstava:

- Zgrade	326.053 KM
- Oprema	1.901.286 KM
- Softveri i licence	149.636 KM
Ukupna nabavna vrijednost stalnih sredstava	2.376.975 KM

Ispravka vrijednosti stalnih sredstava:

- Zgrade	250.260 KM
- Oprema	1.778.470 KM
- Softveri i licence	149.636 KM
Ukupna ispravka vrijednosti stalnih sredstava	2.178.366 KM

II PASIVA **1.029.347 KM**

A. Kratkoročne obaveze i razgraničenja **830.738 KM**

Kratkoročne tekuće obaveze za:

- obaveze prema dobavljačima	140.546 KM
- obaveze po obustavljenim porezima i doprinosima	1.079 KM
- obaveze prema fizičkim licima	24.733 KM
- ostale kratkoročne obaveze	3.505 KM
Ukupne kratkoročne tekuće obaveze	169.863 KM

Obaveze prema zaposlenim za:

- obaveze za plaće	285.856 KM
- obaveze za naknade plaća	46.356 KM
- obaveze za poreze i doprinose	247.729 KM
- ostale obaveze prema zaposlenim	76.958 KM

Ukupne obaveze prema zaposlenim	656.899 KM
Kratkoročna razgraničenja za:	
- razgraničeni rashodi za nabavku roba i usluga	3.976 KM
Ukupna kratkoročna razgraničenja	3.976 KM
<u>C. Izvori sredstava</u>	<u>198.609 KM</u>
Izvori stalnih sredstava	198.609 KM

Službenik za finansije

Rukovodilac